



Hoërskool McLachlan

Posbus 3
Joubertina
6410



042-273-1335
042-273-1210
info@hsmclachlan.co.za
www.hsmclachlan.co.za

NUUSBRIEF 04/09 2020

Geagte Ouers/Voogde

1. **Finansies:**

Die volgende deposito's is in die skool se rekening gemaak:

- 26/08/2020: Verwysing: M. Rosseau/Capitec
- 01/09/2020: Verwysing: Sept. onderrig

Sal die betrokke persone asseblief vir mev. Mattheus skakel.

2. **Toelatings – 2021:**

Geliewe daarop te let dat aansoek om toelating vir gr. 2 – 11 op **23 September 2020** sluit. Geen latere aansoeke sal oorweeg word nie. Indien u enige navrae het, skakel gerus mev. Daleen Strydom.

3. **Johan Strydom, alias “Malboer”, ons eie nagtegaal:**

Johan Strydom (gr. 11) het vir die lekkerte videos waarop hy sing, op youtube gelaai. Iemand het hom raakgesien en hy moes studio toe gaan vir verdere stemtoetse en advies. J.J. Skylar het Johan onder sy vlerk geneem en hom 'n kontrak as professionele sanger aangebied. Johan het die kontrak aanvaar en sy eerste enkelsnit is op 1 September 2020 op youtube gelaai. Baie geluk Johan, HS McLachlan is voorwaar trots op jou.

4. **Miencke Strydom doen dit weer:**

Miencke het 87% (A+) in die Oppie-Tongredenaarskompetisie behaal. Die beoordelaars was baie beïndruk.

5. **Septembermaand is boomplantmaand:**

Die lente is hier (ten spyte van die koue) en ons wil almal aanmoedig om bome te plant, soos ons hier by McLachlan gaan doen.

Graag wil ons die uitsonderlike matriekgroep van 2020, wat so hard gewerk het en baie opofferings moes maak a.g.v. Covid 19, vereer met die plant van 'n inheemse geelhoutboom op Vrydag, 4 September.

Ook gaan ons as personeel saam met die SAOU (Suid Afrikaanse Onderwysersunie) 'n inheemse witstinkhoutboom plant om al ons matrieks en kollegas wat so hard en toegewyd in die grendeltyd gewerk het, erkenning te gee.

Hierdie bome gaan lewende monumente word wat gaan getuig van die struikelblokke wat ons personeel en matrieks in 2020 oorkom het.

Ons sal deur die loop van September-boomplantmaand nog bome plant om ons skoolterrein te versier en om koelte vir die jare wat kom, te verskaf.



6. **Covid-19:**

Prosedure voor skool:

Die skool se hekke word elke oggend om 07:30 oopgesluit en word weer om 07:55 gesluit. Leerders wat na 08:00 by die skool opdaag, moet by die sekretaresse aanmeld.

Die volgende reëls moet asseblief vir almal se veiligheid nagekom word:

- Leerders moet by die hekke wag totdat dit oopgesluit word.
- Handhaaf asseblief die vereiste 1,5 m sosiale afstand aan die buitekant van die hekke.
- Leerders moet asseblief nie dorp toe of na vriende se huise toe gaan nadat hulle by die skool afgelaai is nie.
- Die dra van 'n masker (mond en neus bedek) is verpligtend wanneer leerders buite die hekke wag.
- **GEEN LEERDER SAL TOEGELAAT WORD OM DIE SKOOL SONDER 'N MASKER TE BETREE NIE.**
- **LEERDERS WAT MET TAXIS SKOOL TOE VERVOER WORD, MOËT HUL MASKER TYDENS DIE RIT DRA.**
- **LEERDERS WAT HUL MASKERS VERGEET HET, KAN 'N WEGGOOIBARE MASKER BY DIE SKOOL TEEN R10 KOOP.**

Hoërskool McLachlan was tot dusver baie gelukkig om nog geen positiewe Covid-19-gevalle by die skool te hê nie, òf dat dit nodig was om die skool te sluit nie.

Ek vra asseblief alle ouers en leerders se samewerking in hierdie verband.

Geen persoon anders as leerders en beamptes (personeel) mag die skoolterrein betree sonder vooraf toestemming van die skoolhoof nie. Ouers moet asseblief die sekretaresse kontak vir 'n afspraak met die skoolhoof en personeel.

Ouers moet asseblief seker maak dat kinders met die regte maskers skool toe kom. Geen leerder sal op die skoolterrein toegelaat word sonder 'n masker nie. Skoolmaskers is teen R15 by Spektrum te koop.

Alle leerders wat van Hoërskool McLachlan en die Departement van Onderwys se busvervoerdiens gebruik maak, moet op die bus 'n masker dra.

'n Leerder moet tuis bly indien hy/sy enige van die volgende simptome toon:

- Koors
- Hoes
- Rooi oë
- Asemhalingsprobleme
- Liggaamspyn
- Moegheid of swakheid
- Verlies aan reuk en smaak
- Naarheid
- Braking

Ouers moet die skool dadelik hiervan in kennis stel en 'n kliniek- of doktersertifikaat skool toe stuur.

7. **Grannor Passi-projek:**

Hoërskool McLachlan loods weer in 2020 die Granor Passi-projek. Langkloofprodusente kan vrugte by die sapfabriek onder Hoërskool McLachlan se naam lewer. Die nommer waaronder u dit moet lewer, is **019**. Hierdie is 'n geleentheid vir die boerderygemeenskap om die skool te ondersteun. Ons skool het baie finansiële uitdagings en weet met hierdie projek sal u 'n groot verskil kan maak. Die inkomste van die projek sal direk deur Granor Passi in McLachlan se rekening inbetaal word.



Ons moedig produsente aan om aan hierdie projek deel te neem en sodoende 'n verskil te maak aan ons kinders se toekoms by Hoërskool McLachlan. Die skool is die hart van die gemeenskap en met u bydrae sal ons sy voortbestaan kan verseker.

8. **WEN 'n KIA-PICANTO (2020)-fondsinsamelingsprojek:**

Inbetaling word by die registeronderwysers gedoen. Die laaste datum van inbetaling is **9 Oktober 2020**.

- ✓ U as ouer is verantwoordelik vir die boekie en indien u dit verloor, sal u aanspreeklik gehou word vir die inbetaling van R500.
- ✓ Leerders wat 'n tweede boekie wil verkoop, kan daarvoor vra na die eerste inbetaling.
- ✓ Die wenner van die Kia-Picanto (2020) word in November aangewys.

S. Pienaar

S. PIENAAR

Waarnemende Skoolhoof: Hoërskool McLachlan

Posbus 3, Joubertina, 6410

Oos-Kaap, Suid Afrika

Tel: +27 (0) 42 273 1335

Fax: +27 (0) 42 273 1210



McLachlan Internet Fasiliteit Borg